

mittant, sed adparenter tantum monstrat quædam, non tamen pervia, cavernulis quàm foraminibus similia.

§. 18. Imò verò, quæ ad ipsum os cribriformæ guttulæ illæ, si darentur in cerebro, pervenirent? Involutum enim est cerebrum membranâ crassâ, quæ dura mater dicitur, sed benignissima est, totum scilicet cerebrum, intra finem suum complexa. Hic igitur transitus materiæ mucosæ planè prohibitus, cum membrana illa, quæ quasi interius pericranium constituit, adeò crassa sit, ut planè nihil permeare possit. Quum etiam membrana pericranio arctè adhæreat, locus intermediæ non datur cavitati, quâ contineatur ista saburra viscosa, si fuerit per hanc membranam exclusa.

§. 19. Liberatò sic cerebrò ab onere concipiendi ac gignendi sternutationem, devolvimus hoc in interiorum narium membranam, quæ vestit interiùs foramina, tenuissimaque est tactu, & coloris rubicundi aspectu, sensusque exquisitissimi. Oritur hæc à crassa meninge, communisque oris, palati, linguæ, laryngis, oesophagi atque ventriculi tunicis habetur.

κατὰ τὴν  
σιν; ἔ  
quidem  
Propinquas

§. 20. Hæc tunica est, quæ producit sternutationem. Militat pro nobis autoritas celeberrimorum Anatomicorum, Bartholini Instit. Anatomicar. lib. 3. c. 10. Riolani Anthropographiæ l. 4. c. 6. Highbori in Disquisit. Anatom. libr. 3. cap. ult. Spigelii de human. corpor. fabric. l. 10. c. 10. Favet etiam nobis ratio; Commune enim hoc est membranis omnibus, quòd exquisitum habeant sensum. Huic autem nostræ accedit propinquitas cerebri, quæ facit ut exquisitior evadat sensus, levissimâque factâ irritatione statim subsequatur sternutatio.

§. 21. Hinc per modum Corollarii fluit, quòd, quòd tenuior est narium interiorum tunica, quòve magis insignes nervos habet, eò acriùs homo sentiat odores, eò faciliùs sternutet, & denique eò ægrius finem faciat sternutandi, si illa tunica vel leviter proritata fuerit. Verba sunt Celeberrimi Schneideri Libr. de Osse cribriformi, p. 205. ex quibus multa problemata, quæ est illud §. 11. superiùs tactum, de facili solvi possunt.

§. 22. Nova autem hic oritur quæstio, de influxu hujus causæ, qualis ille sit in producendâ sternutatione?

B

§. 23.